



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1558. usque ad annum 1560

Fleury, Claude

August. Vind. [u.a.], 1771

VD18 90118588

§. 90. Magni tumultus in Scotia Propter religionem.

[urn:nbn:de:hbz:466:1-66800](https://nbn-resolving.org/urn:nbn:de:hbz:466:1-66800)

nono erecta solo æquabuntur. V. Cuncta jura, ac mutuæ prætensiones in pristino statu integræ permanebunt. VI. Infra bimestre arbitri utrinque nominabuntur, qui quosdam decidant articulos, circa quos Franciæ Oratores nondum satis edocti sunt. Hæc pacta die decima octava Aprilis a Maria Stuarta, & Delphino ejus Marito fuere firmata, die autem trigesima prima Maij utriusque Regni Judices Upsalintoniæ congregati ibidem aliud sœdus circa articulos in nuperis pactis nondum decisos suo chirographo muniebant.

Sæcul. XVI.
A.C. 1559.

§. XC.

Magni tumultus in Scotia propter religionem.

Interea haud minor erat Protestantium potentia in Scotiæ Regno; ibidem enim reperiebantur quamplurimi, qui Ordinum comitia pro summo imperio moderabantur; horum itaque auctoritatem, ac potentiam cum Scotiæ Administratrix regno summopere nocivam fore præsentiret, hinc illos inde expellere statuit: ut vero rem accedente decreto magis solemni exequi posset, Sterlini Conventum indixit, illucque cunctos spuriae Reformationis Ministros adesse jussit. Hi ergo accedunt, innumera populi multitudine stipati; confluxe-

Thuan. l. 21.
n. 7. hoc
ann.

Sæcul. XVI
A C 1559

fluxerant enim omnes, qui eorum causæ patrocina-
bantur, erant tamen iner-
mes, veriti, ne pro seditiosis habiti
sibi fatale negotium facefferent. Admi-
nistratrix tantam hominum turmam ad-
mirata Joannem Areskinum, ut popu-
lum minime necessarium domum remit-
teret, rogabat, pollicita, nihil contra
Ministros in hisce comitiis decretum iri,
Itaque cuncti ad Areskini preces sese
recipiebant, verum vix inde recesser-
ant, cum illico in eos, qui comparere
recusabant, tanquam contumaces ju-
dicii acta instruerentur, atque exilio
multarentur. Hæc agendi ratio Ares-
kinum tantopere exacerbabat, ut ad
Proceres, qui adhuc Perthi erant, con-
tenderet, & ibi quid de fide, & animo
Regentis haud expiando odio adversus
Protestantes flagrantis, sperare debeant,
demonstraret, cum illa nullam æqui,
recti, ac honesti rationem habeat, & pro-
missorum fidem præsentem tantum com-
modo metiatur.

Hi ejusmodi verbis animati, ac
non minus, quam ipse Areskinus Ad-
ministratricis facinus indignati, quan-
tocius vim adversus vim esse parandam
decernunt, accensisque populi animis
majorem adhuc faciem Joannes Knoxius
Protestantium Minister subjecit, lucu-
lenta, sed seditiosa oratione apud eos
habita,

habita, qua incitati Pertheses velut ^{Sæcul. XVI.} furibundi canes quemdam Sacerdotem, ^{A.C. 1559.} qui tum rem Divinam peragebat, trucidant, Ecclesias invadunt, Sanctorum imagines diffringunt, & Carthusianorum cœnobium penitus deprædantur, eodemque tempore Cuprenses ad seditionem concitati ferme eadem sacrilegia, ac sævitias committunt. Hoc facto Regni Administratrix se ad ejusmodi tumultus ex violata fide ansam præbuisse nondum agnoscebat, sed tantum scelus debita ultione plectere intenta iræ suæ haud temperare poterat, quocirca coactis per Argatheliæ atque Atholiæ Comites copiis statim Perthum contendere statuit: cum vero huic urbi propius accederet, eidem nuntiabatur, quod Glencarnius Comes cum septem millibus selectioris militiæ viris prope urbem castra metaretur. Accepto hoc nuntio Administratrix Jacobum Stuartum, & Tilepsiacum Cambellum ad Protestantes ablegare statuit, ut hi cum Areskino Comite, ejusque fociis agerent, ac demum in has condiciones convenirent. I. Dimissis utrinque Copiis oppidum Regenti pateat, donec lassitudinem ex itinere contractam paucorum dierum quiete ipsa, comitesque refecissent: II. Oppidanorum nemo damno, vel injuria afficiatur; III. Gallorum nullus

Sæcul. XVI.

A. C. 1559.

nullus oppidum ingrediatur, neque propius ac ad tria millia passuum accedat, ceteris controversiis circa Religionem in proxima comitia dilatis. Ita citra sanguinem composito tumultu, Regens oppidum ingreditur honorifice ab omnibus excepta.

Verum illa nulla fœderis habita ratione secum in urbem Scotos milites, qui Gallorum sumptibus alebantur, introducebat, ac Perthi Missæ Sacrificium rursus celebrari jubebat, necnon præcipuis urbis civibus exilio mulctatis, & Magistratibus pro arbitrio suo communitatis, præfidiarios urbi imponens ibidem conscriptas copias colligere statuebat: postea vero Sterlinum versus iter aggrediebatur. Attamen hæc ipsa datam fidem servandi injuria caro constitit pretio; ab eo enim tempore Administratrix a fidelioribus Amicis suis derelicta fuit; quippe ipsemet Argatheliæ Comes, & Jacobus Stuartus Santandreas Prior Jacobi V. filius Nothus, qui hucusque illius partes strenue tuebantur, ab eadem recesserunt, atque adversæ parti nomen dederunt.